

Alver idrettsråd



Organisasjonsledd i
NORGES
IDRETTSFORBUND

Utskrift av møtebok for Alver idrettsråd frå møte 25.mai 2020

Sak 6: Utbetaling av tilskot til idretten frå Alver kommune

Dette er ei særskild viktig sak for idretten i Alver, slik at dei økonomiske tilhøva for denne store, frivillige sektoren skal kunna opphalda så stor aktivitet som mogeleg.

Saka har ikkje vore heilt lett å handtera, då det har vore noko ulik praksis i dei tre tidlegare kommunane. Lindås har tidlegare ikkje gjeve tilskot til drift og vedlikehald av private anlegg, medan dei har hatt ein noko høgare sats for utdeling av drifts-/kulturmidlar.

Administrasjonen i kommunen har utarbeidd eit opplegg for tildeling av midlar. Dette har, etter drøftingar med leiar og nestleiar i idrettsrådet vorte justert noko. For drifts-/kulturmidlar er der ingen skilnad på framlegga, men tildelinga til Alver idrettsråd er auka til kr. 100.000,-. Når det gjeld drifts og vedlikehaldsmidlar til private anlegg er det justerte framlegget bassert på ei vekting av kvar anleggstype. Denne vektinga går fram av vedlagte framlegg.

Sjølv om den totale ramma for tilskot er litt større enn i dei tre tidlegare kommunane, har den tidlegare ulikskapen i tildeling ført til at nokre av laga har fått mindre enn tidlegare. Dette er ikkje bra, og idrettsrådet vonar seinare ramme for tildeling vert auka, slik at det ikkje vert slike utilsikta utslag.

1. Drifts-/kulturmidlar

Det vert synt til vedlagte framlegg og justerte framlegg til utbetaling av Drifts-/kulturmidlar

Framlegg til vedtak: Alver idrettsråd rår til utbetaling av Drifts-/kulturmidlar i samsvar med justert framlegg frå kommunen

Vedtak: Framlegget vart samrøystes godkjent

2. Drifts-/vedlikehaldsmidlar til private idrettsanlegg

Det vert synt til vedlagte framlegg og justerte framlegg til utbetaling av Drifts-/vedlikehaldsmidlar til private idrettsanlegganlegg. Fordelinga er gjort med grunnlag i ei vekting av kvar anleggstype, jfr. vedlagte oversikt

Framlegg til vedtak: Alver idrettsråd rår til utbetaling av Drifts-/vedlikehaldsmidlar i samsvar med justert framlegg frå kommunen

Vedtak: Framlegget til vedtak vart samrøystes godkjent

3. Kultur – Prosjekt- og aktivitetstilskot 2020 – idrett og friluftsliv

Det vert synt til vedlagte framlegg til tildeling av prosjekt-/aktivitetstilskot

Framlegg til vedtak: Alver idrettsråd rår til tildeling av Prosjekt-/aktivitetsmidlar i samsvar med innstillinga frå kommunen

Vedtak: Framlegget til vedtak vart samrøystes godkjent

Olav Steinar Namtvedt (s)

leiar i Alver idrettsråd